

PELITA BRUNEI

AKHBAR RASMI KERAJAAN NEGERI BRUNEI
DI-TERBITKAN PADA TIAP2 HARI RABU

TAHUN 15 BILANGAN 26 RABU 1 JULAI 1970 1390 دیجع الآخر 26 ربیع PERCHUMA

Istiadat2 mengurniakan gelaran di-Lapau

BANDAR BRUNEI. — Duli Yang Maha Mulia Paduka Seri Baginda Sultan dan Yang Di-Pertuan Negeri Brunei telah mengurniakan gelaran kapada tiga orang raya baginda dalam istiadat2 yang berasingan di-Lapau, Bandar Brunei pada minggu lepas.



Yang Di-Muliakan Pehin Orang Kaya Perdana Indera Awang Haji Mohd. Taha.



Yang Di-Muliakan Pehin Manda Bini Kawang Limah.

Pada hari Khamis 25 Jun, Duli Yang Maha Mulia telah mengurniakan gelaran 'Cheteria' kapada Yang Berhormat Setia Usaha Kerajaan.

Pengiran Dato Paduka Mommin sekarang di-kenali sebagai Yang Amat Mulia Pengiran Dipa Negara.

Cheteria baru itu ia-lah bekas Pegawai Daerah Belait dan telah di-lantek menjadi Setia Usaha Kerajaan dalam awal tahun ini.

Pada hari Sabtu 27 Jun, Kawang Limah binte Awang Besar telah di-kurniakan gelaran Yang Di-Muliakan Pehin Manda Bini dan pada hari Ahad 28 Jun Duli Yang Maha Mulia telah mengurniakan gelaran Yang Di-Muliakan Pehin Orang Kaya Perdana Indera kapada Yang Di-Muliakan Pehin Orang Kaya Setia Pahlawan Awang Haji Mohammad Taha bin Haji Bakir.

Istiadat2 mengurniakan gelaran itu telah di-hadir oleh pembesar2 termasok Duli Yang Teramat Mulia Paduka Seri Bagawan Sultan, Tuan Yang Terutama Pesurohjaya Tinggi British, Awang A. R. Adair, Yang Teramat Mulia Seri Paduka Duli2 Wazir, Menteri Besar, Yang Amat Mulia Pengiran Setia Negara Pengiran Haji Mohammad Yusof, Yang Amat Mulia Cheteria2, Pengiran2, Pehin2 dan pegawai2 kanan kerajaan.



Yang Amat Mulia Pengiran Dipa Negara Pengiran Momin bin Pengiran Haji Ismail dengan di-apit oleh Yang Amat Mulia Pengiran Kerma Indra Pengiran Anak Tajuddin (kiri) dan Y.A.M. Pengiran Penggawa Laila Bentara Istiadat Di-Raja Dalam Istana Pengiran Haji Mokhtar Putih, menjunjong sembah kebawah D.Y.M.M. atas pengurnianan gelaran tersebut.

Dua buah persatuan belia dapat bantuan Jabatan Kebajikan

BANDAR BRUNEI. — Pesurohjaya Kebajikan Yang Di-Muliakan Pehin Orang Kaya Laila Wangsa Awang Salleh bin Haji Masri telah menyampaikan dua keping chek, yang berharga tiga ratus ringgit tiap2 satu kapada Persatuan PERKASA Kampong Saba dan Persatuan Pakatan Sang Jati Dusun Brunei.

Wang itu merupakan sumbangan oleh Jabatan Kebajikan Masyarakat kapada dua buah persatuan itu bagi membeli alat2 perabot.

Setiausaha Persatuan Pakatan Sang Jati Dusun, Awang Lunchai bin Uking dan Setia Usaha Persatuan PERKASA, Awang Ahmad bin Abu Bakar yang telah meneri-

ma chek2 itu di-Pejabat Pesurohjaya itu pada hari Isnin lepas. Mereka mengucapkan terima kaseh kepada Pesurohjaya Kebajikan atas sumbangan itu.

Dua buah persatuan yang lain, Persatuan Kebajikan Mufakat Kampung Burong Pingai Ayer dan Persatuan Angkatan Belia Burong Pingai Berakas, juga telah menerima sumbangan yang serupa dari Jabatan Kebajikan Masharakat dalam tahun lepas.

Wadar2 berkursus di-Malaysia

BANDAR BRUNEI.—Tiga orang wadar Peniara Jerudong akan berlepas ka-Malaysia Barat pada 3 Julai ini untuk menjalani kursus latihan selama tiga bulan di-Sekolah Latehan Pegawai2 Penjara di-Taiping, Perak.

Mereka ia-lah Awangku Ismail bin Pengiran Ahmad; Awang Moshor bin Mohammad dan Awang Kadil bin Antin.

Sa-orang juruchakap bagi Jabatan Penjara berkata, wadar2 itu akan menjalani kursus dalam jurusan undang2 penjara; senjata; kawat dan chara menjaga orang2 salalah.

Perayaan sambutan puja usia D.Y.M.M. di-Temburong

PEKAN BANGAR. — Penduduk2 Daerah Temburong akan merayakan hari keputeraan Duli Yang Maha Mulia Paduka Seri Baginda Sultan dan Yang Di-Pertuan Negeri Brunei yang ke-24 tahun selama tiga mulai 21 Julai.

Sa-buah jawatankuasa dengan di-pengerusikan oleh Pemangku

Pegawai Daerah Temburong, Awang Mohammad Salleh bin Hindup telah di-bentok meranchang sambutan hari keputeraan itu.

Achara2 perayaan itu termasoklah lumba perahu di-Sungai Temburong, perlawan tarik tali, persembahan aneka warna, pertunjok-

kan pertanian dan pameran seni lukis dan pertukangan tangan.

Perarak tanlong dan berchuchol rumah2 juga termasok dalam sambutan perayaan itu.

Kemuncak dari achara sambutan itu ia-lah upachara perbarisan kehormatan yang akan di-adakan di-pandang Bangar pada 21 Julai.



Gambar atas menunjukkan Tuan Yang Terutama Pesurohjaya Tinggi British di-Brunei, Awang A. R. Adair sedang memeriksa barisan pandu2 puteri dalam satu perhimpunan di-padang besar Bandar Brunei pada hari Juma'at lepas.

Perhimpunan yang di-hadiri oleh kira2 300 orang pandu puteri dan brownie itu ada-lah bagi menyambut hari ulang ke-60 tahun hari pergerakan Pandu Puteri Sa-Dunia.

Dalam perhimpunan itu pandu2 puteri dan Brownie telah menunjukkan hasil kerja tangan mereka dan juga nyanyian dan tarian budaya.

Puan Adair, isteri Tuan Yang Terutama Pesurohjaya Tinggi British itu juga telah hadir dan beruchap dalam perjumpaan itu.

Dua orang pegawai pertanian berkursus

BANDAR BRUNEI. — Dua orang penolong pegawai pertanian telah berlepas ka-negeri Belanda pada hari Juma'at lepas untuk menjalani kursus latehan Antara Bangsa mengenai perkembangan luar bandar di-Wageningen selama tiga minggu.

Mereka ia-lah Awang Haji Suhaimi bin Haji Ismail dan Awang Rosli bin Omar.

Awang Haji Suhaimi mula berkhidmat dengan Jabatan Pertanian dalam tahun 1940, dan di-lantek sa-bagai penulung pegawai pertanian dalam tahun 1967. Dalam tahun itu juga beliau telah menghadiri kursus selama enam minggu di-Australia.

Awang Rosli mula berkhidmat di-jabatan itu sa-bagai kerani. Beliau di-hantar oleh kerajaan untuk melanjutkan pelajaran ka-United Kingdom. Beliau pulang ka-Brunei dalam tahun 1967 sa-telah mendapat diploma dalam pertanian dari Maktab Pertanian Seale Hayne, Devon, England. Awang Rosli mula memegang jawatan penulung pegawai pertanian dalam tahun 1968.

Kursus tersebut telah di-mulakan pada 30 Jun hingga 25 Julai 1970.

Perarakan kenaikan laut di-sungai Tutong

TUTONG. — Daerah Tutong akan mengadakan peraduan perarakkan kenaikan laut di-sungai Tutong, ia-itu sa-bahagian dari achara menyambut ulang tahun hari keputeraan D.Y.M.M. Paduka Seri Baginda Sultan dan Yang Di-Pertuan Negeri Brunei, bulan hadapan.

Peraduan itu terbuka kepada persatuan2 belia; orang orang persaorangan dan kam-

KUALA BELAIT. — Pegawai Daerah Belait Awang Haji Alikhan bin Abd. Khan telah menyeru ibu bapa dan penjaga murid2 di-daerah itu supaya menumpukan perhatian sa-penoh-nya terhadap pelajaran anak2 mereka di-sekolah.

Beliau berkata bahawa kemajuan murid2 itu tidak akan dapat di-chapai dengan sempona jika hanya sa-mata2 bergantong kepada guru tanpa

galakkan dari ibu bapa di-rumah.

Pegawai Daerah itu telah beruchap demikian di-upachara 'Hari Pelajar' yang di-hadiri oleh ibu bapa dan penjaga murid2 yang berlangsung di-dewan Sekolah Melayu Ahmad Tajudin Kuala Belait hari Ahad lalu.

Awang Haji Alikhan juga merangkkan tujuan Kerajaan meng-adakan 'Hari Pelajar' setiap tahun bagi sekolah2 melayu ia-lah untuk memberi peluang kapada ibu bapa dan penjaga murid2 supaya datang ka-sekolah untuk bertukar2 fikiran sa-chara langsung dengan guru2 bagi mengetahui kebolehan anak2 mereka belajar sa-tiap hari di-sekolah.

Kata-nya kemajuan murid2 tidak akan tercapai dengan baik-nya jika tidak mendapat perhatian yang wajar daripada ibu bapa. Ibu2 bapa mestilah selalu menu-long anak2 mereka supaya lebeh bergiat dan berazam menumpukan sa-penoh perhatian kapada pelajar.


Pegawai Daerah itu juga mensesuaikan ibu bapa supaya jangan membiarkan anak2 mereka ka-sekolah dengan sifat2 sa-bagai 'melepaskan ayam di-reban' dengan tidak mem-bimbingan dan galakkan.

Beliau mengingatkan bahawa jika sifat2 serupa itu maseh terus menerus di-amalkan, maka anak2 itu akan kurang mendapat kejayaan dan akhir-nya kemajuan anak2 itu akan menjadi lemah dan mundur dan sudah tentu-lah masa hadapan anak2 itu kurang terjamin.

Zaman ini kata-nya ada-lah zan man kemajuan dan segala2-nya bergantong kapada pelajaran. Sebab itu-lah mereka harus berlumba2 mencapai ilmu pengetahuan yang tinggi untuk mensesuaikan dengan peredaran zaman.

Pegawai Daerah itu juga mengharapkan supaya penuntut2 yang tamat dan keluar dari sekolah itu nanti akan mempunyai akhlak dan budi pekerti yang tinggi di-samping berbakti kapada bangsa dan negara.

Turut beruchap di-upachara itu ia-lah Nadzir Sekolah2 Melayu Daerah Belait Awang Mohd. Ta-ha bin Abd. Rahman dan Guru Besar di-sekolah itu Che'gu Pg. Besar bin Pg. Haji Ahmad.



Gambar atas menunjukkan bangunan tambahan Sekolah Tinggi Perempuan Raja Isteri di-Bandar Brunei sedang dalam pembinaan.

Kompleks bangunan yang menelan belanja kir-a2 \$1,350,000.00 itu ada-lah mengandungi sa-buah blok 12 buah bilek darjah, sa-buah blok asrama yang boleh menampung 104 orang murid.

Juga termasuk dalam kompleks itu ia-lah dua buah khutub khanah, bi-

Ibu-bapa di-seru supaya memberi perhatian terhadap pelajaran anak2 mereka

KUALA BELAIT. — Pegawai Daerah Belait Awang Haji Alikhan bin Abd. Khan telah menyeru ibu bapa dan penjaga murid2 di-daerah itu supaya menumpukan perhatian sa-penoh-nya terhadap pelajaran anak2 mereka di-sekolah.

Beliau berkata bahawa kemajuan murid2 itu tidak akan dapat di-chapai dengan sempona jika hanya sa-mata2 bergantong kepada guru tanpa

pong2 di-daerah itu.

Peraduan itu ia-lah dengan menggunakan motor sangkut; sampan; rakit dan lain2 ke-naikan di-ayer.

Orang2 yang ingin menyertai dalam peraduan itu hendak-lah mengisikkan borang yang boleh di-dapat dari Awang Suhaimi bin Abu Bakar di-bilek bachean pekan Tutong, dan ia-nya hendak-lah di-kembalikan tidak lewat dari 10 Julai.

lek2 seni dan pertukangan tangan, sa-buah bilek jahit dan bilek urusan rumah tangga.

Sa-buah dewan yang lengkap dengan pentas, bilek2 persalinan dan ruang bagi bermain bola tampar dan badminton juga termasuk dalam bangunan tambahan itu.

Pembinaan bangunan tambahan itu ia-lah bagi menampung bilangan murid2 yang semakin bertambah pada tiap2 ta-hun.

Sukan tahunan Sek. Brunei Dua

BANDAR BRUNEI. — Sekolah2 Rendah Melayu di-Brunei Dua telah mengadakan sukan tahunan mereka di-Padang SMJA di-Bandar Brunei pada hari Sabtu lepas.

Sukan itu telah di-rasmikan oleh Yang Mulia Pengiran Idris bin Pengiran Shahbandar Sahibul Bandar bagi pehak Pegawai Daerah Brunei/Muara.

Hadiah2 telah di-sampaikan oleh Pemangku Pengusa Pa-lajaran Melayu, Awang Mo-hamed Hussain bin Mohamed Yusof.

Di-dalam sa-buah hadith yang telah di-riwayatkan oleh Abu Hurairah radiallah-hu 'an yang bermaksud:

"Pada suatu ketika Rasulullah telah bersabda bahawa siapakah yang mahu mengambil daripada ku kalimah2 ini, lalu di-amalkan-nya atau di-kerjakan-nya kepada orang yang mahu mengamalkan-nya."

Maka jawab Abu Hurairah: "Saya wahai Rasulullah".

Maka Rasulullah terus memegang tanganku lalu Rasulullah menghitung lima perkara dengan sabda-nya:

"Pelihara-lah diri mu dari pada segala yang di-haramkan neschaya engkau menjadi manusia yang paling beribadat. Redha-lah sekadar yang telah di-anugerahkan oleh Allah kapada engaku, neschaya engkau menjadi manusia yang paling kaya. Dan berbuat baik-lah kapada tetangga (jiran) engaku, neschaya engkau menjadi orang yang mo'min dan sayangi-lah manusia apa yang engkau sayangi diri engkau, neschaya engkau menjadi orang Islam dan janganlah engkau banyakkan tertawa, kerana banyak tertawa itu mematikan jiwa."

Dari maksud hadith di atas jika di-pandang dengan sa-pintas lalu adalah sangat mudah dan senang. Dari pada lima perkara ini sa-orang itu boleh menjadi selamat, sa-balek-nya jika kita amat-amati bahawa

Penuntut2 rayakan Maulud dgn mengadakan peraduan berzanji

BANDAR BRUNEI. — Penuntut2 dari Maktab SOAS dan sekolah2 menengah di-Daerah Brunei/Muara telah mengambil bahagian dalam peraduan Berzanji antara sekolah2 menengah dan maktab di-Dewan Maktab SOAS di-Bandar Brunei pada malam Juma'at lepas.

Peraduan yang di-anjorkan oleh Badan Pelajar2 Islam Maktab SOAS itu ia-lah untuk merayakan Hari Keputeraan Nabi Besar kita Mohammad s.a.w.

Ia-nya di-rasmikan pembukaan-nya oleh Pengetua Maktab SOAS Awang A. L. McCorkindale.

Kadzi Besar Yang Berhormat Pehin Orang Kaya Ratna Di-Raja Dato Utama Awang Haji Mohamed Zain bin Haji Serudin telah memberikan sharaahan khas di-majlis itu.

Di-antara lain yang beruchap ia-lah Yang Di-Pertua Persatuan itu Awang Haji Mahmud Morshidi Othman.

Hadiyah2 kapada pemenang2

lima perkara yang tersebut telah meliputi segala keperluan dan kemauan manusia, juga sa-bagaimana surohan Allah dan Rasul.

Pertama Rasulullah telah memperingatkan bahawa seorang menjaga diri-nya berbuat daripada segala perkara yang di-haramkan ada-lah orang yang di-hitung paling beribadat. Maksud ini ada-lah bukan hanya sa-mata2 tidak mengerjakan segala yang ditengah sahaja tanpa membuat segala kewajipan, apa yang dimaksudkan ia-lah bahawa

peraduan Berzanji itu telah disampaikan oleh Setia Usaha Jabatan Hal Ehwal Ugama Awang Haji Abdullah bin Metassan.

Berikut ada-lah pemenang2 dalam pertandingan itu:

Bahagian Lelaki: Pertama — Awang Morshidi bin Mohamad Ali dari Sekolah Menengah Melayu Jalan Muara, kedua — Awang Zainal bin Haji Mohamed Yusof dari Maktab SOAS dan ketiga — Awang Mohamed Salleh bin Atma dari Sekolah Menengah Arab Hassanah Bolkiyah.

Bahagian perempuan: Pertama — Dayang Norlia binte Haji Abdul Rahim dari Maktab SOAS, kedua — Dayang Masni binte Haji Manap dari Sekolah Menengah Arab Raja Isteri Anak Damit dan ketiga — Dayang Noor binte Ladi dari Sekolah Menengah Melayu Jalan Muara.

Sekolah Menengah Melayu Jalan Muara telah memenangi perisai bagi sekolah yang terbaik sekali dalam peraduan itu.

MELAWAN HAWA NAFSU

DI-SIFATKAN SAPERTI

BERPERANG SABIL

KHUTBAH JUMA'AT

"Redha-lah sekadar yang telah di-anugerahkan oleh Allah kapada engkau, neschaya engkau menjadi manusia yang paling kaya"

perolehi, maka orang yang seperti ini akan mendapat basaran jahat di-akhirat sa-bagaimana yang telah di-terangkan oleh Allah Subhanahu-wataala di-dalam Al-Quran yang bermaksud:

"Dan ingati juga ketika Tuhan kamu memberitahukan, kalau kamu bershukor sudah tentu aku (Tuhan) akan memberikan lebih banyak dan kalau kamu tidak bershukor sa-sunggoh-nya seksa-ku sangat keras. (Surat Ibrahim ayat 7).

Di-dalam hadith di atas telah menyebut juga bahawa seorang yang berbuat baik kepada jiran dan kaseh kapada manusia lain ada-lah ia di-hitung mo'min dan muslim. Dan di-akhir hadith itu telah mensiasatkan kita supaya jangan banyak tertawa kerana dengan banyak tertawa itu ada-lah mematikan jiwa manusia.

Ini-lah serba lengkap mak-sud sa-buah hadith yang telah di-riwayatkan oleh Abu Hurairah di atas tadi. Apa yang di-maksudkan ia-lah supaya tiap2 orang Islam dalam mengikuti dan mengamalkan sa-bagaimana yang di-suoh oleh Rasulullah maka dengan adanya kita mengamalkan perkara yang baik mudahan2 kita selamat di-dunia serta berbahagia di-akhirat. Amin ya rabul 'alamin.

Waktu2 Sembahyang, Imsak dan Matahari Terbit

Waktu2 sembahyang, imsak dari matahari terbit bagi Daerah2 Brunei/Muara, Tutong dan Temburong mulai hari Rabu 1 Julai 1970 hingga ka-hari Selasa 7 Julai 1970 ada-lah seperti di-bawah ini:

Hari	Bulan	Dzohor	Asar	Magrib	Isha	Imsak	Suboh	Matahari Terbit
1 Julai		12-29	3-51	6-41	7-52	4-38	4-53	6-11
2 Julai		12-29	3-51	6-41	7-52	4-38	4-53	6-11
3 Julai		12-29	3-51	6-41	7-25	4-38	4-53	6-11
4 Julai		12-29	3-51	6-41	7-52	4-38	4-53	6-11
5 Julai		12-29	3-51	6-41	7-52	4-38	4-53	6-11
6 Julai		12-30	3-51	6-41	7-52	4-39	4-54	6-12
7 Julai		12-30	3-51	6-41	7-52	4-39	4-54	6-12

Waktu sembahyang dan imsak bagi Daerah Belait hendak-lah ditambah tiga minit pada tiap2 waktu.

Sembahyang Juma'at di-seluruh Negeri Brunei di-mulai pada pukul 12-45 tengah hari.



1hb. Julai, 1970.

SENI BUDAYA TAHUNAN

SATU hakikat yang nyata bahawa sa-tiap tahun di-adakan sambutan hari keputeraan Duli Yang Maha Mulia Paduka Seri Baginda Sultan dan Yang Di-Pertuan Negeri Brunei telah di-adakan pelbagai pertunjukan seni budaya baik yang berchorak asli warisan penduduk2 tempatan, mahu pun yang moden choraknya.

Sambutan2 kerana meraikan hari keputeraan Baginda itu tidak shak lagi telah dapat mengukohkan kedudukan seni budaya tempatan dan menjadi pendurong pula kapada jenerasi2 baru untuk menggati dan menimbulkan seni dan budaya lama warisan dari dato ninek kita.

Kapada orang2 yang menyelidik kesenian dan kebudayaan penduduk2 dalam sa-sbuah negeri itu akan mensifatkan sambutan2 sa-umpama itu sa-bagai satu peluang keemasan bagi mereka.

Dari sudut ini dan juga sudut2 yang lain seperti pembekalan hibor2, maka peranan yang di-pikul oleh jawatankuasa2 perayaan ada-lah berat dan ternyata tidak bagitu mudah untuk melaksanakan-nya. Mereka perlu mengukur dengan teliti akan mutu sa-tiap pertunjukan2 itu agar ia-nya benar2 mendatangkan kepuasan kepada penonton2, di-samping dapat menimbulkan mutu seni dan budaya yang benar2 bernilai selaras dengan adat-istiadat yang menjadi pesaka zaman berzaman.

Beberapa tahun dahulu, ketika sambutan hari keputeraan Duli Yang Maha Mulia Paduka Seri Baginda Maulana Al-Sultan Sir Omar Ali Saifuddin dalam bulan September (Duli Yang Teramat Mulia Paduka Seri Begawan Sultan sekarang ini), di-Padang Besar Bandar Brunei telah di-adakan pertunjukan yang besar mengenai chara2 perkahwinan orang2 Brunei lama. Ketika itu, barang2 lama termasok pakaian dan tata tertib telah menambat hati orang ramai yang menyaksikan yang terdiri dari berbagai2 bangsa.

Chara2 lama perkahwinan orang2 Brunei tidak-lah hanya sa-takat bersanding dan berambil2an sahaja, tetapi ada chara2 yang lain sama ada terdahulu atau sa-belum bersanding dan berambil2an itu, sa-umpama berjumar2, bersuroh, menghantar tanda, menghantar berian dan lain2 lagi. Chara2 yang lain ini belum pernah di-tunjukkan, sedangkan ia-nya perlu di-tuntukkan kepada jenerasi2 baru.

Chara2 yang ada sekarang ini sukar di-pertanggong-jawabkan tentang keaslian-nya, kerana telah di-pengarohi oleh unsur2 kemodenan.

Untuk meninggikan nilai kesenian dan kebudayaan kita, harus ada sa-buah badan yang sentiasa sanggup bergerak dan menjadi pusat untuk di-hubungi bagi mendapatkan persembahan2 sama ada untuk kebajikan, mahupun majlis2 negara. Dan bukan-lah hal-nya seperti sekarang ini yang pertunjukan seni dan budaya kita hanya dapat di-lihat sa-tahun sekali. Itu pun, keadaan-nya kurang teratur.

MASHARAKAT Brunei de-wasa ini ada-lah dalam proses pembangunan. Di-sekeliling kita getaran nadi proses pembangunan itu dapat kita rasakan. Projek2 besar sa-peri pembinaan Pelabuhan Ayer Dalam Muara, pembinaan Lapangan-terbang Antarabangsa Berakas dan pembinaan Ampangan Sungai Tutong merupakan suatu usaha yang dapat membayangkan betapa pesat-nya proses pembangunan itu. Sa-tiap projek dalam kan-chah proses pembangunan akan meminta korban yang banyak sa-belum nikmat dari projek itu dapat di-rasakan oleh anggota2 masharakat. Tenga buruh yang efisien, pertukaran wang yang mencukupi, di-tambah pula dengan pertimbangan2 yang menjangkau jauh ka-muka ada-lah perlunya untuk mencapai sukses.

Kita baru menyentoh satu sudut dalam proses pembangunan ini ia-itu sudut yang dapat di-lihat, tegas-nya kerja2 yang menggunakan tenaga fizikal untuk mengujudkan bangunan2 dan sa-bagai-nya. Tetapi betapa pula hal-nya dengan proses pembangunan dalam bidang spiritual (kerohanian) Apa-kah bidang ini kurang penting-nya dalam sa-buah masharakat bangsa yang baru membangun? Atau soalan itu kita kemukakan saperti ini; dalam satu2 proses pembangunan kebendaan dan kerohanian, yang mana satu-kah yang layak mendapat prioriti — kebendaan atau kerohanian? Jawapan kapada soalan ini menyebabkan banyak para intelektual berchakaran sa-sama sendiri. Oleh kerana dalam sa-buah masharakat bangsa yang baru membangun sering di-tekankan kepentingan sains dan teknologi, ada-lah di-anggap oleh masharakat bahwa sa-tiap usaha ka-arah pembangunan itu sa-mesti-nya membangun gedong2 penchakar langit, bertambah-nya kenderaan di-jeraya dan berbagai2 kemudahan kebendaan yang lain. Dan sudut pembangunan di-bidang kerohanian itu disifatkan sa-bagai suatu bidang subsidiary, bidang bawahan atau pembantu kapada bidang kebendaan. Kita chenderong untuk menamakan sikap atau fahaman saperti ini sa-bagai salah satu daripada unsur2 negatif dalam konsep pembangunan, dan untuk renongan bersama ada baik-nya sudut ini di-binchangkan lebih lan-jut.

Mengapa sa-buah negara itu melancharkan projek pembangunan? Atau kalau soalan ini di-kaitkan dengan negeri kita: mengapa Brunei melancharkan projek pembangunan? Kita tidak akan berlaku adil untuk menjawab soalan ini sa-belum kita memberi tafsiran apa-kah yang di-maksud dengan kata

UNSOR2 NEGATIF DALAM KONSEP PEMBANGUNAN

OLEH:
MAHMUD HAJI BAKYR,

pembangunan itu. Tetapi sa-belum itu harus-lah di-ingat bahawa pengertian **pembangunan** di-negara2 Asia-Afrika tidak sama dengan pengertian-nya di-negara2 Barat, maupun di-negeri Jepun yang tergolong ka-dalam kumpulan negara2 Asia itu. Kalau kata pembangunan kita hubungkan dengan negeri Jepun akan terbayang kepada kita usaha2 intensif ka-arah pengluasan ekonomi me-limpasi batas2 negeri. Bagitulah juga hal-nya di-negara2 Barat.

INTRINSIK

Kita lebh chenderong un-tuk menyarankan bahawa ba-gi kita di-Brunei pengertian pembangunan itu sa-bagai satu kesedaran intrinsik (kesedaran dalam) tentang kelemahan kita dalam bidang2 tertentu dalam proses pemodenan. Ke-sedaran ini pula di-pengarohi baik sa-chara langsung mau-pun tidak oleh unsur2 ekstrinsik (unsur2 luaran). Sa-chara intrinsik kita sedar bahawa in-stitusi perekonomian, pelajaran, perkhidmatan kemasharakatan kita, untuk mengambil beberapa chontoh, tidak dapat bersaing dengan tempo proses pemodenan. Dari kesedaran intrinsik ini-lah timbul keinginan yang di-bantu oleh dayatenaga untuk mengusai dan memberi nafas baru kapada institusi2 yang lemah itu supaya ia dapat di-alirkan ka-dalam proses pemodenan. Kata pemodenan di-sini kita ertikan sa-bagai perkhidmatan dan perubahan un-tuk mencapai tahap lebh efisien.

Apabila di-sarankan bahawa erti pembangunan itu ia-lah sa-tu kesedaran intrinsik, kita bertujuan untuk menjangkau satu matalamat ia-itu konsep pembangunan mesti-lah datang di-timbulkan oleh anggota2 masharakat bangsa yang bersangkutan.

Faedah pengaroh dari luar tidak dapat di-nafikan tetapi tekanan untuk membangun itu **ad hoc** mesti-lah datang-nya dari dalam. Pembangunan yang di-paksa2kan akan meng-akibatkan satu keadaan kronik di-mana anggota2 masharakat yang ingin di-bangun itu berlagak sa-bagai penonton atau pemonching. Ini meru-pakan satu unsur tidak sehat dari sudut pembangunan.

Ada-lah paling keliru kalau kita beranggapan bahawa ke-kayaan sa-buah negeri itu da-pat menjamin kejayaan suatu projek pembangunan. Kekayaan dapat menjamin terdirinya sa-buah bangunan, umpama-nya, tetapi konsep pembangunan tidak terhenti sa-takat terdirinya sa-buah bangunan. Sa-buah bangunan hanya berfungsi sa-bagai alat. Yang paling mustahak ia-lah khidmat yang di-sumbangkan oleh bangunan itu untuk mengisi kehendak2 yang di-rencanakan oleh ne-gara. Jadi-nya, apa-kah masalah yang kita hadapi di-sini? Masaalah-nya ia-lah sa-belum kita melancharkan projek pembangunan, mesti-lah ujud terlebih dahulu suatu ke-adaan di-mana anggota2 masharakat inginkan kapada pembangunan. Di-sini-lah letak-nya sudut pembangunan rohani itu perlu di-dahulukan dari sudut pembangunan ke-bendaan.

PEMBANGUNAN

Sa-tiap pembangunan mer-lukan iklim ingin mem-bangun di-kalangan anggota2 masharakat yang ingin di-bangun itu. Satu trajedi di-negara2 Asia-Afrika ia-lah pem-bangunan itu sa-olah2 di-pak-sakan ka-atas masharakat-nya tanpa menyelidek apa-kah masharakat itu sudah bersedia menerima-nya atau belum. De-nigan kata lain asas untuk pem-bangunan itu bersandar, perlu-lah ddi-sediakan terlebih dahulu sa-belum ia-nya di-lanchark-an. Umpama-nya kalau makanan harian dalam satu masharakat itu beras, jangan-lah di-tanam jagong beribu2 ekar.

Kita di-Brunei sangat-lah beruntung kerana projek2 pem-bangunan yang di-lancharkan oleh Kerajaan ada-lah di-saim-bangkan dengan iklim kemam-puan penduduk-nya. Perkem-bangan kebendaan dan kerohanian di-lancharkan sa-chara tidak berat sa-belah. Hal ini ada-lah sa-wajar-nya kerana sa-chara intrinsik kita menve-dari bahawa sa-chara tradisi-bangsa kita bukan-lah satu bangsa materialistik. Tidak da-pat di-nafikan bahawa masa-depan kita akan banyak ber-gavut kapada bidang sains dan teknologi tetapi kita juga sedar

(Lihat Muka 5)

Pejawai2 AMDB berkursus

BANDAR BRUNEI. — Dua orang pegawai Askar Melayu Di-Raja Brunei akan berlepas ke Australia pada 9 Julai untuk menghadiri kursus perperangan bersama dan pengawalan udara bahagian hadapan di-Bahagian Pembantu Udara Tentera Udara Australia selama lima minggu.


Mereka ia-lah Kapten Pengiran Abidin bin Pengiran Ahmad dan Kapten Jock Lin bin Kong Pau.

Ini ada-lah pertama kali pegawai2 AMDB menghadiri kursus sa-rupa ini.

19 PASOKAN MASOK BERTANDING

BANDAR BRUNEI. — Sa-banyak sembilan belas buah pasokan termasuk tiga pasokan perempuan akan mengambil bahagian dalam perlawanan bola keranjang yang di-anjorkan oleh Persatuan Bola Keranjang Amateur Bandar Brunei bersempena dengan perayaan sambutan Hari Keputeraan Duli Yang Maha Mulia Paduka Seri Baginda Sultan dan Yang Di-Pertuan.

Perlawanan yang di-adakan sa-chara pukul mati itu akan di-adakan di-Dewan Sekolah Menengah Chung Hwa di-Bandar Brunei sa-tiap hari mulai 5 Julai. Perlawanan akan di-mulakan jam 7.00 malam.



Gambar atas menunjukkan bangunan peringatan Sir Winston Churchill sedang dalam pembinaan. Bangunan yang berbentuk 'C' itu di-bina di-Jalan Stoney, Bandar Brunei.

Kira2 80 peratus kerja2 pembenaan ka-atas bangunan itu telah selesai. Ia-nya di-jadualkan siap dalam tahun depan.

Apabila siap nanti bangunan itu akan mengandungi sa-buah bilik pameran, sa-buah aquarium dan dewan peringatan Churchill.

Kompleks bangunan yang me-nelan belanja kira2 \$3.35 juta itu telah di-mulakan dalam tahun lepas.

Unsur2 negatif dalam konsep pembangunan

(dari muka 4)

yang kita akan menempoh sa-tu keruntahan struktur sosial ketimoran sa-kira-nya penerimaan kita terhadap unsur2 sains dan teknologi itu tidak di-sandarkan kepada prinsip2 kerohanian yang kukuh.

Ada-lah sudah menjadi kenyataan bahawa satu daripada sebab2 yang menimbulkan Youth Resurrection atau Ke-bangkitan Belia di-negeri2 Ba-rat, terutama di-Amerika Shar-ikat dewasa ini ada-lah ber-puncha dari putusnya tali penghubung antara si-anak dan kedua orang tua-nya. Bu-kan pula kita bermaksud un-tuk mengenepikan beberapa unsur baik dalam Youth Re-surrection ini, umpama-nya penentangan mereka terhadap Perang Viet Nam yang di-sif-kan oleh mereka sa-bagai im-moral dan menjadikan belia2 korup; tetapi terlalu banyak unsur2 negatif yang tidak da-pat di-pertanggong-jawabkan dalam Youth Resurrection ini. Mereka memprotes **just for the sake of protesting**. Mereka in-gin melihat Establishment run-toh menjadi debu tetapi mereka tidak punya program kon-krit untuk mengisi tempat yang chuba mereka kosongkan itu. Ini-lah akibatnya kalau kita beranegapan yang sains dan teknologi itu dapat membentuk satu jenaras yang bermoral dan berdisiplin tanpa bantuan disiplin2 **pure arts**.

Prioriti dalam memilih sa-tiap projek pembangunan itu

harus pula kena pada tempat dan masa-nya. Hal ini penting kerana sa-tiap projek pembangunan mesti-lah ada kaitan-nya dengan keselurohan proses pembangunan dalam sa-buah negara itu. Dengan kata lain projek itu bukan-lah di-ran-changkan dengan tujuan sa-mata2 untuk **show-piece**.

Sa-bagai contoh kita ambil gerakan pembentukan universiti2 di-Afrika. Banyak para kritik membantah yang mata-pelajaran2 yang di-ajarkan di-universiti2 tersebut tidak kena mengena dengan arus pem-bangunan yang sedang di-had-pi dalam negeri. Para pengan-jor universiti2 tersebut sa-chara patoh chuba berkiblat ka-Barat apabila mereka meran-chang universiti2 untuk Afrika. Akibatnya ia-lah sa-bahagian besar kegiatan di-universiti2 tersebut putus hubungan de-nan inspirasi pembangunan negara.

Sa-kali lagi kita di-Brunei ada-lah beruntung dalam hal ini. Projek2 besar yang di-lancharkan oleh Kerajaan sa-peri pembinaan Pelabuhan Ayer Dalam Muara itu ada-lah kena dengan tempat dan masa-nya. Demikian juga projek2 pembinaan Lapangan-ter-bang Antarabangsa Berakas dan Ampangan Sungai Tutong yang sedang giat di-laksanakan itu. Semua projek ini apabila siap terlaksana nanti akan da-pat memberi khidmat-nya **ad infinitum** kapada bangsa dan negara.

TEMBURONG ADAKAN LUMBA PERAHU, BERCHUCHOL DAN PERARAKAN TANGLONG

PEKAN BANGAR, Temburong — Pada tahun ini, Daerah Temburong akan menganjorkan perlumbaan perahu dan mutu-sangkut yang hanya terbuka kapada penduduk2 di-daerah itu sahaja.

Pada tahun2 yang lalu ke-dua2 achara perlumbaan itu, terutama mutu-sangkut telah di-bukakan kapada pelumba2 dari Bandar Brunei.

Ini telah di-umumkan oleh sa-orang juruchakap jawatan-kuasa perayaan sambutan hari keputeraan D.Y.M.M. Paduka Seri Baginda Sultan dan Yang di-Pertuan bagi daerah itu.

Daerah Temburong akan merayakan hari keputeraan Baginda itu mulai dari 21 hingga 25 Julai dengan ber-bagi2 achara termasuk per-aduan berchuchul rumah2 dan tanglong berjalan kaki.

Penduduk2 daerah itu yang ingin mengambil bahagian dalam lumba mutu-sangkut dan perahu hendaknya mengisikan borang yang boleh di-dapat dari Awang Md. Yusof bin Ahad di-Pejabat Kadhi, Temburong dan hendak-lah di-kembalikan tidak lewat dari 10 Julai.

Bagi memasuki peraduan tanglong berjalan kaki yang terbuka kapada kampong2, persatuan2, pejabat2 dan sekolah2 hendak-lah mengisikan bo-rang yang boleh di-dapat dari ri Awang Ali bin Ibrahim, Ja-batan Letrik Temburong dan di-kembalikan kapada beliau tidak lewat dari 14 Julai.

Bagi peraduan berchuchul rumah2 tidak ada borang ma-sok di-kehendaki, tetapi ru-mah2 yang memasang chuchul sama ada letrik atau minyak gas dengan sendiri-nya akan di-hakimkan.

Peraduan itu terbuka kapada rumah2 di-sepanjang jalan dari Pekan Bangar ka-Hujong Jalan, dan dari Pekan Bangar ka-Kampong Menengah. Chu-chul2 itu hendak-lah di-nyala-kan di-sepanjang perayaan itu berjalan.

Kongres agong pengakap

BANDAR BRUNEI. — Pertubuhan Pengakap Negeri Brunei akan mengadakan Kongres Agong bertempat di-Pusat Be lia, Bandar Brunei pada hari Sabtu 4 Julai, 1970 mulai jam 2.00 petang.

Pesurohjaya Tinggi British di-Brunei, Yang Terutama Awang A. R. Adair yang juga menjadi Pengakap Agong Negeri Brunei akan merasmikan pembukaan kongres tersebut.

Awang Adair juga akan me-nyampaikan sijil2 kapada tiga orang Pengakap2 dari Negeri Brunei yang berjaya di-tema-sha Lumba Jalan Kaki Jarak Jauh yang telah di-adakan di-Thailand sa-masa Pengakap2 dari Negeri Brunei menghadiri Jambori Pengakap Ke-bangsaan Thailand dalam bu-lan Disember tahun lalu.

Kongres tersebut akan mendengarkan laporan Penyata Tahunan Pengakap di-negeri ini pada sa-panjang tahun lalu yang akan di-sampaikan oleh Pesurohjaya Pengakap Nega-ri, Awang Haji Ali Khan bin Abdul Khan.

Di-antara perkara2 yang akan di-rundingkan dalam Kongres tersebut ia-lah men-genai Lenchana2 baru Pengakap2 Negeri Brunei, masa'lah kewangan dan lantekan Pegawai2 Tertinggi Majlis Ma-shuarat Pengakap Negeri Brunei.

Sa-orang juruchakap Majlis Ma-shuarat Pengakap Negeri Brunei menjemput semua Pemimpin2 Pengakap dan Pengakap2 di-negeri ini menghadiri upacara pembukaan rasmi Kongres tersebut dengan memakai pakaian yang lengkap. Pengakap2 itu di-minta ber-ada di-Pusat Belia, Bandar Brunei sa-buum jam 1.30 petang hari Sabtu 4 Julai, 1970.

Tutong akan mempunyai rumah sakit yang moden

BANDAR BRUNEI. — Daerah Tutong akan mempunyai sa-buah rumah sakit yang moden bagi kemudahan penduduk2 di-daerah itu.

Tawaran bagi pembinaan rumah sakit yang baru itu akan dipanggil dalam bulan Ogos tahun ini.

Rangka pelan akan meng-adakan keperluan2 bagi kegu-naan segera dan akan meliputi keperluan2 bagi melayani pesa-kit2 dalam yang akan bertam-bah dengan banyaknya.

Pengarah Perkhidmatan Per-ubatan dan Kesihatan, Yang Di-Muliakian Pehin Orang Kaya Laila Tabib Di-Raja Dato Setia F. I. Franks berkata, bahawa semua perkara yang perlu bagi sa-buah rumah sakit sederhana akan di-adakan.

Sa-buah bahagian bagi pesa-kit luar dan sa-buah bilek penasihat pakar umum yang bo-leh di-gunakan oleh pakar2 pelawat termasok pakar mata akan di-adakan.

Satu peratoran khas telah di-buat untuk membenarkan pa-kar mata bekerja dalam bilek penasihat itu.

Sa-lain dari itu akan di-adakan bahagian X-Ray, sa-buah dispensary dan sa-buah bilek pembedahan.

Pehin Orang Kaya Laila Ta-bib Di-Raja berkata, bahawa akan di-adakan juga dalam rumah sakit itu sa-buah klinik kesihatan yang akan di-tempat-kan di-bahagian bawah dari satu2-nya bangunan dua ting-kat dalam rangkaian pembina-an rumah sakit itu.

Bahagian atas bangunan ter-

Perarakan di-ayer dan berchuchol

BANDAR BRUNEI. — Per-arakan perahu2 dan kapal2 berhias dan pertandingan berchuchol bagi rumah2 di-Kampong Ayer ada-lah ter-masok dalam ranchangan pe-rayaan sambutan Hari Kepu-teraan Duli Yang Maha Mulia Paduka Seri Baginda Sultan dan Yang Di-Pertuan bagi Daerah Brunei Muara.

Sa-orang juruchakap bagi jawatankuasa berchuchol ber-kata, berchuchol boleh meng-gunakan lampu2 minyak atau gas, kuasa letrik atau jana-kuasa2 kepunyaan sendiri,

Beliau juga berkata, pemenang2 dalam perarakan itu akan mene-rima hadiah2 wang tunai atau piala.

Borong2 masok bertanding boleh di-dapat dari ketua2 kampong atau pengerusi jawatankuasa per-tandingan Pengiran Damit bin Pengiran Abu Bakar di-alamatkan Jabatan Setor Negara Brunei Pen-giran Abdul Momin bin Pengiran Damit di-Pejabat Penchen Brunei atau daripada Awang Sablee bin Haji Metussin di-alamatkan Dewan Bahasa dan Pustaka Bandar Brunei.

Borong2 itu hendaklah di-kem-bangkan tidak lewat dari 9 Julai.

sebut akan di-khaskan bagi bahagian pentadbiran rumah sakit.

Tempat tinggal bagi kak-tangan rumah sakit akan di-benaya juga.

Pada masa ini akan di-adakan sa-buah wad bagi berbagai tujuan. Kemudahan2 per-anakan juga di-bena berdeka-tan dengan wad tersebut.

Apabila keperluan bertam-bah bagi tempat tinggal pesa-kit dalam wad2 baru akan di-bena.

Pehin Orang Kaya Laila Ta-bib Di-Raja berkata bahawa dengan pembinaan inji dan tempat tinggal yang baik, ru-mah sakit ini akan memberi-kan satu tempat kerja yang manarek hati bagi doktor2 mu-da yang chergas. Dengan ke-mudahan2 moden saperti yang di-nyatakan termasok juga Path/Makmal dan sa-buah dispensary rangkain tersebut merupakan sa-buah tempat pe-kerjaan yang menarek. Kemudahan2 yang akan di-adakan tentu sekali dapat di-terima baik oleh penduduk2 Daerah Tutong.

Jadual penyemboran ubat DDT

BANDAR BRUNEI. — Rom-bongan penyemboran ubat DDT Projek Penghapus Malaria akan melawat ke-3 buah kam-pung di-Daerah Brunei-Muara dan tujuh buah kampong di-Daerah Tutong dalam bulan ini.

Mulai 6 Julai hingga 9 Julai, rom-bongan itu akan melawat ka-Kampong Tanjung Bunut; pada 11 Julai ka-Kampong Batu Ampar dan 13 Julai ka-Kampong Wasan, dalam Daerah Brunei-Muara.

Di - Daerah Tutong, rom-bongan itu akan melawat ka-Kampong Batang Mitus pada 14 dan 16 Julai Kampong Mu-kom 18 Julai dan Kampong Bebuloh pada 20 Julai.

Pada 21 Julai, ia-nya akan melawat ka-Kampong Men-

Tarek tali

KUALA BELAIT. — Sa-banyak tujuh belas buah pasukan akan mengambil bahagian dalam per-lawanan tarek tali yang di-anior-kan sa-bagai sa-bahagian dari ranchangan perayaan sambutan Hari Kepu-teraan Duli Yang Maha Mulia Paduka Seri Baginda Sultan dan Yang Di-Pertuan bagi Daerah Belait.

Perlawanan akhir di-jadualkan berlangsung pada 19 Julai.

Perlawanan pertama akan di-jalankan pada hari ini di-padang kecil Kuala Belait mulai 5.00 petang.

BARANG2 MUZIUM BRUNEI.....11



Nama: Kapsiu.

Penerangan:

Kapsiu tembaga ini berbeda bentuk dan ukuran-nya dengan jenis2 kapsiu yang tersimpan di-Muzium Brunei. Selain dari dua batang tangkai bersebelahan di-atas, terdapat satu paip kecil untuk mengeluarkan ayer. Kapsiu ini, saperti dengan lain2 kapsiu di-gunakan untuk memasak ayer panas. Kerana ketiadaan kitil waktu dahulu, kapsiu telah di-buat daripada tembaga.

Di-tepi atas bahu kapsiu ini terukir huruf berbunyi "1/10/1922 Alamat ini kapsiu Awang Jamu (din) bin Merali, Muara". Awang Haji Mohiddin bin Jamudin, Kampong Muara, anak kapada tuan punya kapsiu ini mencheritakan bahawa kapsiu ini telah di-tempa oleh Awang Besar dari Kampong Pandai Emas (sekarang ter-masok dalam Kampong Sungai Kedayan 'B'). Kapsiu ini mengambil masa dari tiga hingga empat bulan untuk me-nyiapkan-nya.

Kapsiu ini di-beli dari Da-erah Brunei-Muara dalam ta-hun 1965.

Sukatan: Lebar atas 114"

Lebar bawah 13"

Tinggi (tidak termasuk tang-kai) 14½".

19 orang penuntut terima biasiswa Shell

SERIA. — Sharikat Minyak Shell Brunei Berhad pada minggu lalu telah mengumumkan pemberian biasiswa kepada 19 orang penuntut di-negeri ini bagi tahun 1970.

Empat orang dari mereka akan menerima biasiswa bagi Sijil Persekolahan Tinggi dan yang lainnya akan menerima biasiswa bagi Sijil Persekolahan Seberang Laut/Sijil Persekolahan Malaysia.

Perlawanan bola sepak anjoran P.M.L.

TUTONG. — Persatuan Melayu Lamunin menganjorkan pertandingan bola sepak bersama dengan perayaan sambutan hari Keputeraan Duli Yang Maha Mulia Paduka Seri Baginda Sultan dan Yang Di-Pertuan bagi Daerah Tutong.

Sa-orang juruchakap bagi jawatankuasa pengajar berkata, pertandingan itu adalah terbuka kapada persatuan2 belia, jabatan2 kerajaan, seko-lah2 dan kampong2 di-Daerah Tutong sahaja.

Pertandingan itu yang dijalankan menurut sistem kalah mati, itu ia-lah bagi merebut perisai yang telah di-dermakan oleh Menteri Besar, Yang Amat Mulia Pengiran Setia Negara Pengiran Haji Mohamad Yusof bin Pengiran Haji Abdul Rahim.

Borang2 untuk masok bertanding boleh di-dapati dari Awang Mohsin bin Haji Khatam, Persatuan Melayu Lamunin, Awang Besar bin Tu-joh di-alamatkan Sekolah Melayu Muda Hashim, Tutong dan Awang Rauf bin Mohamed Noor di-Kampung Lamunin.

Borang2 itu mesti-lah dikembalikan tidak lewat dari 3 Julai.

Tiap2 sa-orang penuntut akan menerima sa-banyak \$500.00 sa-tahun.

Awang Suji bin Mudin dan Awang Abd. Rahman bin Mo-hiddin dari Maktab SOAS, Bandar Brunei, Ng Wai Sun dari Sekolah St. Michael Seria dan Lim Lee Lan dari Sekolah St. Angela's, Seria akan menerima biasiswa Sijil Persekolahan Tinggi.

Penuntut yang menerima biasiswa Sijil Persekolahan Seberang Laut/Sijil Persekolahan Malaysia ia-lah:

Awang Abdullah Arshad, A. Ghafar bin Ismail, Aziz bin Abdul Rahman, Juhali bin Suile, Tong Eng Kiat dan Chew Kim Siong, kesemua-nya dari Maktab Anthony Abell, Seria; Momin bin Salleh dan Intan bin Salleh dari Maktab SOAS, Bandar Brunei; Rajendran dan Ravikumar dari Sekolah St. Margaret's, Seria; Lim Siew Yen, dari Sekolah St. George's, Bandar Brunei; Quek Chong Hin dari Sekolah St. Michael dan Lee Swee dari Sekolah St. Angela's Seria.

Di-samping itu Sharikat Minyak Shell juga membaharuui 15 biasiswa termasuk sa-orang menerima biasiswa Sijil Persekolahan Tinggi.

Jumlah biasiswa baru dan yang di-perbaharui bagi tahun 1970 ini ia-lah \$17,500.

JAWATAN-JAWATAN KOSONG

Juruteknik Makmal Perchubaan

Permohonan2 ada-lah di-pelawa bagi memenohi jawatan sa-bagi Juruteknik2 Makmal Perchubaan di-Jabatan Perubatan dan Kesiatan, Brunei.

Kelayakan2:

a) Chalun2 yang di-kehendaki bagi jawatan ini hendak-lah sudah mencapai umur 17 tahun dan bukan-nya 25 tahun, Mereka mestilah terdiri dari raayat D.Y.M.M. Sultan.

b) Mereka hendak-lah lulus Si-jil Persekolahan Seberang Laut.

c) Keutamaan akan di-beri ka-pada mereka yang mendapat ke-pujian dalam Ilmu Sain dan/atau Ilmu Hisab.

Tingkatan Gaji:

Juruteknik Makmal Perchubaan \$210 x 10 — 260/EB/270 x 15 — 360.

Juruteknik Terlateh — \$280 x 20 — 480/EB/500 x 20 — 620.

Juruteknik Makmal Kanan — \$660 x 30 — 900.

Ketua Juruteknik Makmal — \$930 x 30 — 1050/EB/1080 x 30 — 1200.

Pemohon2 yang terpilih akan di-lantek dalam perchubaan selama tiga tahun sa-bagi Juruteknik2 Makmal Perchubaan, dan juga akan di-hantar ka-seberang laut bagi menjalani latehan.

Juruteknik2 Makmal Perchubaan akan di-kehendaki lulus semua pe-rekeksaan semasa mereka dalam kursus latehan sewaktu dalam perchubaan.

Perchubaan2 yang:

a) telah lulus peperceraan ter-akhir, dan

b) telah di-sokong oleh Ketua Pejabat mereka akan berhak di-tetapkan sa-bagi Juruteknik Mak-mal Terlateh.

Pemohonan2 yang mesti di-pe-nohkan di atas — borang2 yang boleh di-dapati daripada Pegawai Perjawatan, Pejabat Setia Usaha Kerajaan, Brunei, hendak-lah di-kembalikan bersama2 dengan salinan surat2 akuan dan sijil kapada Setia Usaha Kerajaan, Pejabat Setia Usaha Kerajaan, Brunei, ti-dak lewat daripada 5 Julai, 1970.

Sa-bagi Pembantu Perpustakaan

Permohonan2 ada-lah di-pelawa daripada chalun2 yang terdiri dari raayat D.Y.M.M. Sultan bagi me-menohi jawatan sa-bagi Pembantu Perpustakaan di-Jabatan Pelajaran, Brunei. Chalun yang berjaya akan di-tempatkan di-Sekolah Menengah Melayu Pertama, Jalan Muara.

Kelayakan2:

a) Pemohon2 mesti-lah lulus Sijil Rendah Pelajaran.

b) Mereka mesti-lah mempunyai pengalaman sekurang2nya selama 3 tahun dalam kerja2 perpustakaan.

Gaji:

Dalam sukat gaji D1 EB2 — \$210 x 10 — 260/EB/270 x 15 — 360. Gaji permulaan bergantung kepada kelayakan2 dan pengalam-an.

Permohonan2 yang mesti di-pe-nohkan di atas — borang2 yang boleh di-dapati daripada Pegawai Perjawatan, Brunei, hendak-lah di-kembalikan bersama2 dengan salinan surat2 akuan dan sijil kapada Setia Usaha Kerajaan, Pejabat Setia Usaha Kerajaan, Brunei, tidak lewat dari pada 11 Julai, 1970.

di-AMDB

untuk bertugas di-dalam atau di-luar perkhemahan Askar Melayu Diraja Brunei.

Gaji:

Dalam Sukatan gaji D3 \$380 — 20 x 20 x 20 — 480.

Permohonan2 hendak-lah di-tu-jukan kapada Pegawai Pemerentah Askar Melayu Di-raja Brunei de-nan melalui Penguasa Pelajaran Ugama Brunei dan hendak-lah sampai kapada Pemerentah Askar Melayu Di-raja Brunei tidak lewat 7 Julai 1970.

SI-TUYU oleh: m. salleh ibrahim





RSM T. B. Kirkhope.

BERAKAS. — RSM Awng T. B. Kirkhope telah berlepas meninggalkan Brunei menuju ka-United Kingdom petang semalam untuk bersara sa-telah berkhidmat dengan pasukan Askar Melayu Di-Raja Brunei selama enam tahun.

Satu perbarisan selamat jalan kapada Awng Kirkhope telah di-adakan di-padang perbarisan AMDB pada dari Jumat'at 26 Jun.

Duli Yang Teramat Mulia Paduka Seri Begawan Sultan, selaku Colonel-In-Chief AMDB telah hadir dalam perbarisan tersebut.

Kursus Guru2 Kelas Dewasa Pelajaran Rendah

BANDAR BRUNEI. — Jabatan Pelajaran akan mengajarkan Kursus Guru2 Kelas Dewasa Pelajaran Rendah dalam bulan Ogos hadapan.

Sa-orang juruchakap Jabatan Pelajaran berkata, tujuan di-adakan kursus itu ia-lah untuk memberikan guru2 kelas dewasa pengetahuan yang lebih luas mengenai chara mengajar orang2 dewasa.

Beliau berkata, kursus itu juga membolehkan peserta untuk memahami akan tujuan betapa pentingnya pelajaran.

Kursus itu juga melatah beberapa orang peserta dari persatuan2 belia untuk menjadi guru sukarela bagi mengajar kelaz2 dewasa di-kawasan mereka masing2.

Kursus yang kedua di-ajarkan oleh Jabatan Pelajaran itu akan di-adakan selama lima hari.

Sa-masa kursus, beberapa sharanan khas akan di-sampaikan oleh pensharah khas.

Antara nya termasok-lah pentadbiran, undang2 dan chara2 bagaimana mengajar orang2 dewasa menulis dan membaca.

Sementara itu Pesurohjaya Kebajikan, Yang Di-Muliakan Pehin Orang Kaya Laila Wangsa Awang Mohammad Salleh bin Haji Masri menyertai belia2 di-negeri ini supaya mengikuti kursus yang di-anjorkan oleh Jabatan Pelajaran itu.

Kata-nya tiap2 sa-buah persatuan hendak-lah menghantar dua orang wakil untuk mengikuti kursus tersebut.

Peserta2 yang terpilih akan di-tanggong makan dan minum, kenderaan, tempat tinggal dan bagi pegawai kerajaan, chuti selama mengikuti kursus itu akan di-uruskan oleh Pengarah Pelajaran kepada ketua2 jabatan yang berkenaan.

Pepercayaan Royal Society of Arts

BANDAR BRUNEI. — Jabatan Pelajaran sekarang membuat persiapan untuk mengadakan pepercayaan Royal Society of Arts bagi satu mata pelajaran.

Pepercayaan2 itu akan di-adakan di-Maktab Sultan Omar Ali Saifuddin, Bandar Brunei dan Maktab Anthony Abell, Seria dalam bulan Nobember tahun ini.

Mata2 pelajaran itu ia-lah ilmu menyimpan buku kira2, bahasa Inggeris, ilmu hisab, trengkas, bahasa Inggeris untuk orang2 asing, menaip dalam tiga perengkat — perengkat permulaan, menengah dan tertinggi.

Chalun2 yang ingin memasuki pepercayaan2 itu boleh meminta borang2 masuk dan keterangan daripada Pegawai Pepercayaan, Jabatan Pelajaran, Bandar Brunei, Penyelia Kelaz2 Dewasa, Maktab SOAS dan Maktab Anthony Abell, Seria.

Borang2 yang telah di-isi bersama dengan bayaran masuk perekka hendak-lah di-kempalikan tidak lewat dari 18 Julai, 1970.



Awang Abdul Rahman.

Berkursus di-U.K.

BANDAR BRUNEI. — Saorang pagawai pentadbir Brunei, Awang Abdul Rahman bin Dato Paduka Awang Mohamed Taib telah berlepas ka-United Kingdom pada hari Isnin untuk menghadiri kursus pentadbiran selama tiga hingga empat bulan di-Royal Institute of Public Administration.

Awang Abdul Rahman adalah penolong peribadi kapada Menteri Besar.

Ini ada-lah pertama kali-nya sa-orang Pegawai Pentadbir Brunei menghadiri kursus di-institute itu.

Sementara itu enam belas orang penuntut Brunei telah berlepas ka-Malaysia Barat pada hari itu untuk belajar di-Institute Technology Mara di-Petaling Jaya, Selangor.

Penuntut2 itu telah di-hadiahkan biasiswa kerajaan.

DERMA UNTOK IBU PEJABAT PENGAKAP

BANDAR BRUNEI. — Awang Damit bin Haji Mahmud, pengurus sa-buah sharikat bas telah menghadiahkan wang sa-banyak \$2,000.00 kapada Persatuan Pengakap Daerah Brunei-Muara untuk tabung pembangunan ibu pejabat persatuan itu.

Wang tersebut telah di-sampaikan oleh Awang Damit kepada Pesurohjaya Pengakap Negeri, Awang Shahbuddin di-pejabatnya di-batu 2 Jalan Tutong pada pagi semalam.

Perayaan hari keputeraan D.Y.M.M. di-Daerah Belait


KUALA BELAIT. — Perayaan2 kerana menyambut ulang tahun hari keputeraan Duli Yang Maha Mulia Paduka Seri Baginda Sultan dan Yang Di-Pertuan Negeri Brunei bagi daerah Belait, akan di-dahului dengan satu upacara perbarisan kehormatan di-padang KBRC Kuala Belait, pada 19 Julai.

Di-sebelah malam-nya akan di-adakan berbagai pertunjukan persembahan persatuan2 belia dan sekolah2, dan persembahan budaya oleh berbagai

kaum di-daerah itu.

Pada hari itu juga akan di-adakan perlawanan tarek tali perengkat akhir, dan peraduan berchuchol bagi rumah2 dan keda2.

Lain2 achara termasuk dalam rancangan sambutan yang akan di-adakan pada hari yang berlainan di-Daerah Belait ia-lah peraduan2 kereta berhias, perarakkan tangglong, pertunjukkan kanak2, pameran pekerjaan tangan, perlumbaan go-kart dan pertandingan2 bola sepak.



Gambar atas menunjukkan Awangku Daud bin Pengiran Mat Salleh dari Kampong Lambak, Berakas (kiri) dan Pengiran Ahmad bin Pengiran Mustapha masing2 akan mewakili Daerah Brunei-Muara dalam pertandingan silat dan kuntu perengkat negeri.

Pengiran Ahmad dan Awangku Daud masing2 telah mun-chul sebagai johan dalam perlawanan silat dan kuntu perengkat Daerah Brunei-Muara

yang telah di-adakan di-padang besar Bandar Brunei pada minggu lepas.

Peraduan perengkat seluruh negeri akan di-adakan di-Istana Darul Hana pada 15 Julai.

Peraduan itu ada-lah salah satu dari achara sambutan hari keputeraan Duli Yang Maha Mulia Paduka Seri Baginda Sultan dan Yang Di-Pertuan Negeri Brunei yang ke-24 tahun.